

ՀԱՐՑՈՒՄ ՊԱՏԱՍԽԱՆ Ս. ՄԿՐՏՈՒԹԵԱՆ ԵՒ ԴՐՈՇՄԻ ՄԱՍԻՆ

14) Եկեղեցւոյ հայրերը ինչպէ՞ս կը մեկնաբանեն Յիսուսի մկրտութեան դրուագը:

Աստուածաբանական վերոգրեալ ըմբռնումներուն կը հանդիպինք 5-րդ դարու նշանաւոր հեղինակ Անտիպատրոս Բոստրացիի յունարէն բնագիրով եւ հայերէն թարգմանութեամբ պահուած Տիրոջ Ս. մկրտութեան նուիրուած ճառին մէջ, ուր կը կարդանք. «Յորդանանի խորքերն իջնելով, վիշապի գլուխը պիտի ջախջախես եւ անոր ժանիքներուն մէջէն դուրս պիտի հանես մարդկային ցեղը...: Կը մկրտուիմ, որպէսզի աշխարհը մեղքերէն մաքրեմ: Կը մկրտուիմ, որպէսզի վիշապը կարթով բռնեմ...: Կը մկրտուիմ, որպէսզի Ադամի մերկութիւնը զգեստաւորեմ»:

Հայոց եկեղեցւոյ նշանաւոր վարդապետ եւ Վարդանանց ճակատամարտին մասնակից Ս. Եղիշէի Տիրոջ մկրտութեան նուիրուած ճառին մէջ յատկապէս կ'ըսուի. «Եւ որովհետեւ երեսուն տարեկանին է, որ մարդ կատարեալ կը գործէ, ասոր համապատասխան ալ ստեղծուեցաւ առաջին Ադամը, որ խաբուելով օձէն փափկութեան դրախտէն դուրս ելաւ: Ըստ նոյն կարեկրութեան երկրորդ Ադամը Յորդանանի յորձանքներուն վիշապի գլուխը ջախջախեց:

ԱՂԱՆԴԱՒՈՐԱԿԱՆ ՇԱՐԺՈՒՄՆԵՐ

ԲԱՍԵԼԱԿԱՆՈՒԹԵԱՆ ՀԱՄԱՌՕՏ ՊԱՏՄԱԿԱՆԸ Ց-ՔՐԻՍՏՈՍԻ ԵՐԿՐՈՐԴ ԳԱԼՈՒՍՏԸ

Համբարձման լերան վրայ, մինչ աշակերտները իրենց սեւեռաբիբ հայեացքը ուղղելու էին երկինք՝ ուր պահ մը առաջ բարձրացեր էր իրենց Տէրը, ահա սպիտակ զգեստներով երկու հրեշտակներ իրենց մօտ կանգնեցան եւ ըսին. «Ով Գալիլեացի մարդիկ, ինչո՞ւ կեցեր դէպի երկինք կը նայիք: Այս Յիսուսը որ ձեզմէ երկինք համբարձաւ, ԱՅՍՊԷՍ ՊԻՏԻ ԳԱՅ՝ ԻՆՉՊԷՍ ՏԵՍԱՆՔ ԱՆՈՐ ԵՐԿԻՆՔ ԵՐԹԱԼԸ» (Գործք. 1.11): Պօղոս առաքեալ կ'ըսէ, թէ մարդիկ «պիտի սպասեն» անոր գալուստը տեսնելու. «Դուք կուռքերէն Աստուծոյ դարձաք՝ կենդանի ու ճշմարիտ Աստուծոյ ծառայելու համար եւ երկինքէն սպասելու անոր Որդին, որ ինք մեռելներէն յարուցանեց, այսինքն Յիսուսը, որ մեզ կ'ազատէ գալիք բարկութենէն» (Ա. Թես. 1.10): Իսկ քիչ մը անդին աւելի բացայայտելով կը գրէ. «Հետեւեալը կ'ըսենք ձեզի Տիրոջ խօսքովը, թէ մենք որ մինչեւ Տիրոջ գալուստը ողջ կը մնանք, բնաւ ննջեցալներէն առաջ պիտի չանցնինք:

Միրելի ընթերցող, ճՐԱԳ քերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՅԷ.



ԲՈՒ ԽՕՍԲԴ ԽՄ ՈՏԹԵՐՈՐԻ ՏՐԱԳ Է ՈՒ ԽՄ ՇԱԽՂՆԵՐՈՐԻ ԼՈՅՍ (Ս. 119-105)

ԺԱ. ՏԱՐԻ ԿԻՐԱԿԻ, 15 ՅՈՒՆԻՍ 2018 ԹԻԻ 28

ԿԻՐԱԿԻ ՕՐԵՐՈՒ ԱՍՏՈՒՄԱՆՉԱԿԱՆ ԸՆԹԵՐՅՈՒՄՆԵՐ
Ես. 3.16-4.1: Ա. Կր. 1.25-30:
ՅԻՍՈՒՍ ԲՐԻՍՏՈՍԻ ԱԽԵՍԱՐԱՆԸ ԸՍՏ ՄԱՏԹԷՈՍԻ 18.10-14

Զգո՞յ՛, մի՛ արհամարհէք այս փոքրիկներէն ոեւէ մէկը: Գիտցէ՛ք, որ անոնց հրեշտակները երկինքի մէջ միշտ կը տեսնեն իմ երկնաւոր Հայրս, որովհետեւ մարդու Որդին եկաւ կորսուածը փրկելու համար:

Ի՞նչ կը կարծէք. եթէ մարդ մը իր հարիւր ոչխարներէն մէկը կորսնցնէ, չի՞ ձգեր իննսունիւնը ոչխարները լերան վրայ եւ չերթա՞ր փնտռելու կորսուած ոչխարը: Այո, կ'երթայ: Եւ եթէ պատահի որ գտնէ, վատահ եղէ՞ք որ աւելի կ'ուրախանայ այդ ոչխարին համար, քան թէ իննսունիւնը ոչխարներուն համար, որոնք կորսուած չեն: Նմանապէս ալ Հայրս, որ երկինքի մէջ է, չ'ուզեր որ այս փոքրիկներէն մէկը կորսուի:

Գառնուկը գայլերուն ձեռքին մէջ՝ ինծի համար

Ես խաչին վրայ ձեռքերդ տարածեցի կարծելով, որ քեզ սպաննեցի, իսկ դուն տարածուած ձեռքերովդ գիս ընդունեցիր գիրկիդ մէջ: Ես գաւազանով գլուխիդ զարկի, իսկ դուն՝ պահապանը գլուխիս, օրհնութիւններ թափեցիր գլուխիս վրայ: Ինծի համար խաչին տակ կքեցար, որպէսզի մեղքի տակ կքածս՝ ոտքի կանգնիմ: Ինծի համար խաչին վրայ գլուխդ խոնարհեցուցիր եւ ինծի նայեցար հաշտութի՛ւն խնդրելով, իսկ ես երեսդ ի վեր պոռացի՝ խաչէն վար իջի՛ր եթէ երբեք Աստուծոյ Որդին ես: Ինծի համար Գառնուկը՝ գայլերուն ձեռքին մէջ ինկար, որպէսզի Չարին ձեռքին մէջ ինկածս՝ փոխադրես երկնաւոր Յօր ձեռքին մէջ: Շնորհակալ եմ, Տէ՛ր Յիսուս, այդ փոխադրութեան համար:

ՍՈՒՐԲԵՐ ԵՒ ՏՕՆԵՐ

ՏՕՆ ԹԱԳԷՈՍ ԱՌԱՔԵԱԼԻ ԵՒ ՍԱՆԴՈՒԽՏ ԿՈՅՍԻ

ՍԱՆԴՈՒԽՏ ԿՈՅՍ

Դուստրը՝ Սանատրուկ թագաւորին, որ աշակերտելով Թադէոս առաքեալին, իր հօրմէն գաղտնի ընդունած էր քրիստոնէութիւնը: Սանատրուկ, գայրանալով այս եղելութեան վրայ, հայրական ամէն ողորհիչ միջոցներ ի գուր գործադրելէ վերջ, անդրդուելի գտնելով իր աղջկան հաւատքը, հրամայեց անոր մահը: Արքայազն օրիորդը, որ իր սեռին պատկանող շատերու ալ դարձին, այսինքն՝ հոգուց փրկութեան պատճառ եղած էր արդէն Հայաստանի մէջ, իբրև առաջին առաքելուհի Հայոց, եղաւ նաև առաջին վկայուհին, իր կուրծքէն ընդունելով նահատակող հարուածը: Ա. Թադէոս թաղեց անոր մարմինը թափուն տեղ մը: Քանի մը օր վերջ ինք եւս նահատակուեցաւ գլխատուութեամբ՝ Սանատրուկի հրամանով: Երեք դարեր անյայտ մնաց անոնց գերեզմանները, մինչեւ Լուսաւորչի եւ թերեւս նոյնիսկ Թարգմանչաց օրը: Թէեւ այս մասին յիշատակութիւն կայ Մովսէս Խորենացիի պատմութեան մէջ, բայց աւելի հոս կերպով նկարագրուած է ան ժամանակակիցէ մը, եւ անկէ անցած Յայսմաւորէի մէջ: Կիրակոս անուն միայնակեաց մը, որ կը բնակէր Թադէոսի եւ Սանդուխտի նահատակութեան վայրին մօտ՝ Սանատրուկ կոչուած լեռ մը,

Արտագ գաւառի Շաւարշան դաշտէն ոչ հեռու, տեսիլքի մը մէջ տեսաւ ոսկի լուսաշող աթոռի վրայ բազմած մէկը, որ իր շուրջը ունէր հինգ մարդիկ, յետոյ բլուրին վրայ երեւցաւ արեւու պէս պայծառ ոսկեհուռ զգեստներ հագած թագաւորացն աղջիկ մը, որ գլխուն վրայ հրաշագեղ պսակ մը՝ եկաւ աթոռին առջեւ: Յետոյ սփանջելի կերպարանով մարդ մը յայտնեց միայնակեացին, թէ լոյսը՝ Ս. Հոգւոյն շնորհքն է, աթոռին վրայինը՝ Թադէոս առաքեալն է, աղջիկը՝ Սանդուխտ կոյսն է, իսկ աթոռին շուրջինները՝ առաքեալին աշակերտներն են: Երկու օր վերջ, երկրորդ տեսիլքի մը մէջ առաքեալը, կոյսը եւ միւսները միայնակեացին կը մատնանշէին իրենց գերեզմանները: Այսպիսով գերեզմանները փորուելով բացուեցան եւ գտնուեցան նշխարները, որոնց շուրջը խոնուեցաւ ժողովուրդին երկիւղածութիւնը:

ԹԱԳԷՈՍ ԱՌԱՔԵԱԼԻ ԵՒ ՍԱՆԴՈՒԽՏ ԿՈՅՍԻ ՏՕՆԸ ԿԸ ՁՈՒԳԱԳԻՊԻ ՇԱՔԱԾ՝ 14 ՅՈՒԼԻՍ, 2018-ԻՆ

Ջայրցում պապուսիսան յաւժին
ԻՆՉ ՁԵՒՈՎ ԿՐՆԱՄ
ԲԱՐԵԳՈՐԾՈՒԹԻՒՆ ԿԱՏԱՐԵԼ
Նախ՝ ողորմած ու գթած պէտք է ըլլաս եւ երբ խեղճ աղքատները տեսնես, պիտի փորձես կարելիութեանդ սահմանին մէջ անոնց օգնել, որպէսզի արժանի ըլլաս Քրիստոսի երանութեան. «Երանի՛ ողորմածներուն, որովհետեւ անոնք Աստուծոյ՛ ողորմութիւն պիտի գտնեն» (Մատթէոս 5.7): Երկրորդ՝ պահեցողութիւն պիտի ընես:

ՄԵՐ ՀԱՅՐԵՐՈՒՆ ԽՐԱՏՆԵՐԸ

ՄԻՏՔԻ ԼՈՒՍԱՒՈՐՈՒԹԻՒՆ ԽՆԴՐԵԼՈՒ ԱՂՕԹԸ

Շնորհակալութի՛ւնք քեզի, ո՛վ Աստուած՝ մեր տէրը, որ քու տեսանելի լոյսովդ ուրախացուցիր մեզ՝ քու բոլոր արարածներդ, իսկ քու պատուիրաններդ հոգեւոր լոյսովը լուսաւորեցիր քեզի հաւատացողները: Մե՛զ ալ գորացուր, Տէ՛ր, որպէսզի կարենանք քու պատուիրաններդ պահել այսօր եւ ամէն ատեն, որպէսզի լուսաւորուած միտքով՝ միշտ քու կամքդ կատարենք եւ քու պատրաստած բարիքներդ հասնինք բոլոր սուրբերդ հետ միասին, մեր Տիրոջ եւ Փրկչին՝ Յիսուս Քրիստոսի պարգեւած շնորհքովն ու մարդասիրութեամբը: Անո՛ր կը վայելեն փառքը, իշխանութիւնն ու պատիւը, այժմ եւ միշտ եւ յաւիտեանս յաւիտենից: Ամէն:

Դո՛ւն եւ մեր խաղաղութիւնն ու կեանքը, ո՛վ Միածին Որդի Աստուծոյ, մեր Տէրն ու փրկիչը՝ Յիսուս Քրիստոս: Տո՛ւր մեզի քու խաղաղութիւնդ, որ սուրբ առաքեալներդ շնորհեցիր՝ անոնց վրայ փչելով կենդանացնող եւ ամենագոր քու Սուրբ Հոգիդ: Որպէսզի մե՛նք ալ աշխարհէն եկող ամէն տեսակի փորձութիւններէն խաղաղած՝ տանար եւ բնակարան դառնանք աստուծային շնորհներդ, եւ շնորհակալութեամբ փառաւորենք քեզ՝ ո՛վ Քրիստոս, մեր Աստուծոյ, Հօրը եւ Սուրբ Հոգիդ հետ միասին. այժմ եւ միշտ եւ յաւիտեանս յաւիտենից: Ամէն

ՀՈԳԵՒՈՐ ԽՈՐՀՐԴԱՏՈՒ

ԱՍՏՈՒԱԾ ՄԵԶԻ ՀԵՏ Է ՄԻՇՏ

«Որովհետեւ ուր որ երկու կամ երեք հոգի հաւաքուին իմ անունովս, եւ հոն եմ՝ անոնց միջեւ» (Մտթ. 18.20): Այո՛, Աստուած հետն է բոլոր անոնց, որոնք կը հաւաքուին իր անունով եւ իր անունին փառքին համար: Աստուած հետն է իր եկեղեցիին՝ Քրիստոսի մարմինին: Աստուած բոլոր անոնց հետ է՝ որոնք խաղաղարար նպատակներու համար քով-քովի կու գան: Աստուած հետն էր այն երեք երիտասարդներուն որոնք կրակի հնոցին մէջ նետուեցան եւ որոնց «վրայ կրակի հոտն անգամ չկար» (Դն. 3.24-27): Ան հետն էր Պետրոս եւ Յովհաննէս առաքեալներուն երբ անոնք բանտ նետուեցան եւ բանտին դռները բանալով գիրենք ազատեց (Գրծ. 5.18-19): Ան նաեւ մեզի հետ է (Մտթ. 28.20), մեզ ալ ազատ արձակելու համար:

ԱՂՕԹԸ

Ողորմէ՛, Տէ՛ր, մեր եղբայրներուն, ծնողներուն ու իմ արիւնակից մերձաւորներուն, կրօնաւորներուն ու միանձն ճգնաւորներուն, անոնց, որոնք մեզի ողորմութիւն պարգեւեցին եւ անոնք, որ յանձնարարեցին զիրենք յիշել մեր աղօթքներուն մէջ: Ողորմէ՛, Բարերա՛ր, եւ տո՛ւր իւրաքանչիւրին կարիքին համաձայն: Առատապէս բաշխէ՛ Սուրբ Հոգիդ շնորհքները բոլոր անոնց եւ զարդարէ՛ ու միացո՛ւր Քու Աստուծութեանդ սիրոյն մէջ: